



談
老

下

0713
1641
2止



口仁3
1647
2止



談老下香也姑曰不增有美亦難也

吉凶真雲氣先生發蒙負贖昔丹行藏述

此三十三章也

夫佳兵者不祥之器物或惡之故有道者不處君子居則貴左用兵則貴右兵者不祥之器非君子之器不得已而用之恬淡為上勝而不美而美之者是樂殺人夫樂殺人者則不可以得志於天下矣吉事尚左凶事尚右偏將軍居左上將軍居右言以喪禮處之殺人之衆以哀悲泣之戰勝以喪禮處之

此章引禮以明兵之不祥也

三十二章

道常無名樸雖小天下莫能臣也侯王若能守之
萬物將自賓天地相合以降甘露民莫之令而自
均始制有名名亦既有夫亦將知止知止所以不
殆譬道之在天下猶川谷之於江海之道者一陰一陽未有乾坤屯蒙之名故曰道常
無名常德乃足復歸於樸樸者為君之德也故
曰樸雖小天下莫能臣也常德乃足於是乎如
子北辰居其處眾星共之故曰侯王若能守之萬
物將自賓以此治民則莫之令而民自均猶天
地相合降甘露也始制有名者言揲著生卦也
吉凶貞勝者也天地之道貞觀者也日月之道
貞明者也故曰名亦既有夫亦將知止知止所

以不殆天下之動不得不歸于道猶川谷之於
江海也三十五章知人者智自知者明勝人者有力自勝者強知足
者富強行者有志不失其所者久死而不亡壽
此是李家之格物言智之知人者不如明之自
知也力之勝人者不如強之勝己也知足之足
常足矣何乏之有故曰知足者富志之達者在
強行故曰強行者有志人居其可居是謂利貞
故曰不失其所者久夫有形之壽多而百歲無
形之壽無疆所謂無形者言鬼神也

大道汎兮其可左右萬物恃之而生而不辭功成
不名有衣養萬物而不為主常無欲可名於小萬
物歸焉而不為主可名為大以其終不自為大故
能成其大曰道者言其入吾其百吾其百其百
天地陰陽日月亦陰陽故易有變化有變化故
左右也天地法道道者一陰一陽有寒暑有晝
夜萬物恃之生生不止故曰萬物恃之而生
皆而不辭也凡生于天地之間者秋毫皆道之功
也而道未嘗曰予之有也未嘗主宰焉未嘗為
予之用其跡似小也故曰功成不名有衣養萬
物而不為主常無欲可名於小也觀萬物歸焉
而不為主則非小也故曰萬物歸焉而不為主

可名為大以其終不自為大故能成其大也此
章唯形容道之物未嘗說及聖人法道治天下
之至動而其意顯然于文外可名於小異本作
可名為小今從之不也與物也與物也與物也

三十五章

執大象天下徃心而不害安平大樂與餌過客止
道之出口淡乎其無味視之不足見聽之不足聞
用之不可既也

老子之道皆本諸易雖同取諸易其取諸坤元
者居多矣所謂大象者蓋言坤象也牝馬貞夫
下無不行無有害之者於是乎安矣采矣大矣
其之師曰直方大不習无不利者安平大之謂

也坤之為道牝馬柔順似淡乎無味不足見聞
用之則如地无疆欲喻世俗知樂餌可甘聽而
不知淡乎之道應無疆而容易者過去之非故
設樂餌之譬以映發此文之奇巧其取諸卦
用之三十六章
將欲歛之必固張之將欲弱之必固強之將欲廢
之必固興之將欲奪之必固與之是謂微明柔弱
勝剛強魚不可脫於淵國之利器不可以示人
誰道老子懦弱謙下也與仲虺范蠡同流云歟
如此章雖謂之權謀詭譎可也其實非權謀詭
譎即是天之道也則天而立言故七十章曰吾
言甚易知易行天下莫能知莫能行言有宗事

有君宗云君云語取諸易也欲歛固張其說在
夬欲弱固強其說在屯欲廢固興其說在豐欲
奪固與其說在噬嗑此四蹟其跡雖異其巧歸
而在柔弱勝剛強故以五字釋之仲尼曰唯器與
名不可以假人名以出信信以守器器以藏禮
無禮以行義義以生利利以平民政之大節也若
無以假人與人政也政亡則國家從之弗可止也
士已所謂國之利器者言名與器之類也魚不可
脫於淵猶飛鳥凶警弗可止也

三十七章

道常無為而無不為侯王若能守之萬物將自化
化而欲作吾將鎮之以無名之樸無名之樸夫亦

將無欲不欲以靜天下將自定
無為之釋在第二章作者如作新民之作說詳
于格物大學篇
三十一章
上德不德是以有德下德不失德是以無德上德
無為而無以為下德為之而有以為上仁為之而
無以為上義為之而有以為上禮為之而莫之應
則攘臂而扔之故失道而後德失德而後仁失仁
而後義失義而後禮夫禮者忠信之薄而亂之首
前識者道之華而愚之始是以大丈夫處其厚不
居其薄處其實不居其華故去彼取此
釋曰上德之有德者以不務為德也下德之無

德者以務為不失德也下德者欲不失德故有
以為有以為者適所以失信也以如論語視其
所以之以也言一時所出于曾臆之新奇而所
左右人物也故古將師而能出方畧左右衆心
以曰上德上仁之無以為者言不庸一時出曾臆
之新奇也下德上義之人惟是新奇欲以行德
而却失德義秦漢而來衰世之帝相皆是也
下禮之莫應攘臂而扔之是始兆于爭亂也故曰
聖忠信之薄而亂之首也邾魯之兩君揖讓于堂
昔上子貢前識其死遲速而無由救其死况會其
言無驗則為人笑故曰道之華而愚之始也厚
者言德與仁也薄者言義與禮也彼指薄也此

指厚也

三十九章

昔之得一者天得一以清地得一以寧神得一以靈谷得一以盈萬物得一以生侯王得一以為天下貞其致之天無以清將恐裂地無以寧將恐發神無以靈將恐歇谷無以盈將恐竭萬物無以生將恐滅侯王無以貴高將恐蹙故貴以賤為本高以下為基是以侯王自謂孤寡不穀此非以賤為本耶非乎故致數譽無譽不欲碌碌如玉珞珞如石

天之清而不裂者一于圓轉不止也若一曰不圓轉則濁且裂故曰天無以清將恐裂也以者

以于一也以寧以靈以盈以生以貴高之以皆和效之地之寧而不發者一于厚載不動也發者發動也神之靈而不歇者一于聰明正直也谷之盈而不竭者一納不辭污也萬物之生而不滅者一于生生不止也侯王之貴高而不蹙者一于以貴下賤也有本者必有末故遂釋上曰貴以賤為本高以下為基是以侯王自謂孤寡不穀非以賤為本耶非乎致數譽無譽猶言譽之無譽也其無可譽者以其無成形也故下曰不欲碌碌如玉珞珞如石言不欲如玉石之美易知也

四十一章

反者道之動弱者道之用天下萬物生於有有生於無

昔道之行在己自反故復彖曰復亨剛反動而以順行是以出入无疾朋来无咎反復其道七日來復天行也故曰反者道之動也乾道者須坤元行者也故曰弱者道之用也天下萬物生於有有生於無是此語天地之理也

四十一章

上士聞道勤而行之中士聞道若存若亡下士聞道大笑之不笑不足以爲道故建言有之明道若昧進道若退夷道若類上德若谷大白若辱廣德若不足建德若偷質真若渝大方無隅大器晚成

大音希聲大象無形道隱無名夫唯道善貸且成上士聞道勤而行之即是守死能道之人也中士聞道若存若亡者即是執德不弘信道不篤焉能有有焉能爲亡之人也下士聞道大笑之者以聖人之道爲迂遠如原伯魯是也在周易明夷象曰明入地中明夷君子以莅衆用晦而明故自他人觀之則若昧也故曰明道若昧下士以明道爲昧而大笑之中士爲若昧疑之故若存若亡唯上士知若昧即明道也而勤行之進道夷道之釋皆效之君子之禮讓謙退所以得富貴也故曰進道若退類絲節絲有節抽不行大道甚夷而民好徑者恐類而不行之故也

故曰夷道若類也以能問於不能以多問於寡
有若無實若虛是為土德故曰上德若谷谷者
形容空虛而無不納也陳平阿太右意王諸呂
也自王陵觀之實如驕其終至滅諸呂安劉氏
大白哉大白如驕猶月中有滓而明也故曰大
白若驕古本傳今從之堯之不能去四凶賊
漢文謙讓不作禮樂明祖不聽四夷來王自庸
主觀之若不足殊不知廣德之至也故曰廣德
若不足夫聖人之於事託諸天是以毋必毋固
如苟且然矣故曰建德若偷偷如民主偷必死
之偷苟且也聖人之變化如龍者以百姓心為
天心之故也是以無常心雖無常心終不失其真

故曰質真若渝渝變也方者方正之方德之名
也隅廉隅也大方無廉隅猶地之方而無廉隅
故曰大方無隅甘羅生十二為秦國相孔子豈
然哉三十始有達者之聲猶烹牛之鼎一朝不
可作也故曰大器晚成上天之載無聲無臭而
人聞命故曰大音希聲也大象無形言著未揲
也已揲卦成卦成有形有形而有名有名而道
生故曰大象無形道隱無名也貸如宿離不貸
之貸忒也若昧之明若退之進若類之夷皆善
貸且成之謂也

四十二章

道生一一生二二生三三生萬物萬物負陰而抱

陽冲氣以和人之所惡唯孤寡不穀而王公以為稱故物或損之而益或益之而損之人之所教我亦教之強梁者不得其死吾將以為教父
道者先天地生故曰道生一十者大極也太極生兩儀兩儀生三三生不止生萬物萬物負陰負陰則自抱陽壺中之水盈滿則不運轉人之腸胃充塞則不消和然則學道者宜冲氣以為和也自損則有物益之自益則有物損之是以王侯孤寡不穀為稱恐天損之故也教道我猶人也強梁者不得其死也天下莫善柔弱吾以之教之則吾將為教父是視世上教師如子哀矜自負態如畫真文章奇處

四十三章
天下之至柔馳騁天下之至堅無有入無間吾是以知無為之有益不言之教無為之益天下希及之
女之制男以至柔也風之翼無間以無形也天造之不窮以無為也
名與身孰親身與貨孰多得與亡孰病是故甚愛必大費多藏必厚亡知足不辱知止不殆可以長久

親

烈士死名誤所親也貪夫死利失所多也得名利亡身體迷之甚也故曰名與身孰身與貨孰

多得與亡孰病僉醒迷之語也君子積能散者
避大費厚亡之禍也故曰知足不辱知止不殆
可以長久

必大四十五章
大成若缺其用不弊大盈若冲其用不窮大直若
屈大巧若拙大辯若訥躁勝寒靜勝熱清靜為天
下正

大成主道大盈主學大直主才大巧主能大辯
主辭言之也近者西蠻之學猾亂夏華至執爾
地毬之說曰聖人未盡天地之道殊不知我聖
人天為圓地為方者觀諸蕃之德圓而神卦之
德方以知而定也豈如辨髮奴乘六大舶周流

天地之間而右知天地偕圓哉聖人天為圓是
以在璿璣玉衡齊七政授民時之道行矣地為
方是以正經畧分田宅之政行矣所謂聖人之
道如斯者也是謂財成天地之道輔相天地之
宜以左右民自直情徑行之民觀之乃云聖人
未盡天地之道亦不宜哉故曰大成若缺其用
天不弊孔子入大廟每事問似不能言之類是大
盈若冲其用不窮之謂也大廈棟梁之材豈得
無毫釐之枉屈乎陳平之屈呂右即是棟梁之
枉屈也故曰大直若屈九方臯之相馬失色物
牝牡而得驥之天機故曰大巧若拙宋人之殺
楚使也楚子圍宋不克將還師申犀稽首於王

馬前曰毋畏知死而不敢廢王命王棄言焉王
棄言三字惜于千言萬句洞徹王之靈府是以
不能答故曰大辨若訥觀躁勝寒靜勝熱知清
靜為天下正出於平之氣曰古明其性
大盈四十六章不豫之謂也天下無道戎馬生於郊禍
莫大於不知足咎莫大於欲得故知足之足常足
矣宜以走馬善走馬糞田也天下無道戎馬生於郊
者與國家昏亂有忠臣相映矣苟知足則簞食
敝袍有餘也不則輕肥方丈猶快是所以禍
咎由來也而

四十七章言不出戶知天下不窺牖見天道其出彌遠其知彌
少是以聖人不行而知不見而名不為而成
中古異端之道興分野區々中國而欲因日月
歲星之災以古知邦君卿相之吉凶多言或有
中豈不迷惑之大甚哉殊不知仲尼所謂仰以
天觀於天文俯以察於地理者指易之貞悔言之
也君子將有為也將有行也問焉以言其受命
也如嚮无有遠近幽深遂知來物者筮以受命
於鬼神之故也故曰不出戶知天下不窺牖見
天道又曰是以聖人不行而知不見而名不為
而成此章語聖人之動作皆取諸易是以微妙

玄通也若曰無所資而唯坐知天下見天道則
妄言哉李家真人豈其然哉豈其然哉

四十八章

為學日益為道日損之又損以至於無為無為
而無不為取天下常以無事及其有事不足以取
天下
絕學無憂與為學日益文異歸同矣有說詳于
二十章絕學無憂下常以無事者言兵興于不
得已也有事者反之智者觀劉項舉兵之幾則
思過半矣
不出四十九章
聖人無常心以百姓心為心善者吾善之不善者

封

吾亦善之德善信者吾信之不信者吾亦信之德
信聖人在天下歛為天下渾其心百姓皆注其
耳目聖人皆孩之
有周之受命王天下比諸殷商則郁文豈伯
仲之間哉智者視易象與洪範彝倫其優劣昭
然而武王牧野之集日乃訪殷父老而反盤
庚之政者從百姓之所欲也是謂聖人無常心
以百姓心為心也心字之釋詳于論語從心所
欲章及封魯衛也皆啓以商政疆以周索其唐
叔也啓以夏政疆以戎索夏殷政何必治于周
戎索優于周索云乎聖人以百姓心為心之故
計時勢從民之所欲也是謂善者吾善之不善

者吾亦善之也其故何曰職聖人之德善之由也善字之釋詳于謂韶之章易之為物彌綸天地之道明幽明之故與鬼神之情狀受命如響是以古聖人小大由之無不信之故也子產之不聽裨竈禳火叔向之不允師曠占師其說異端不信也二大夫可謂有識士也至若洪範咎徵此間芻蕘牧圉者不允也孔子大聖而收之不攻者益為有益無害于民教也是謂信者吾信之不信者吾亦信之德信也是謂為天下渾其心也歟氣也歟不宜發吾心也渾者渾沌不可名狀之意百姓皆得所欲故注其耳目于聖人之所為也孩字下得最妙聖人視百姓

如幼稚愛之孩之樂小兒遊戲之欣樂之意存言外矣真大真人之語哉

五十五章

出生入死生之徒十有三死之徒十有三人之生動之死地十有三夫何故以其生之厚蓋聞善攝生者陸行不遇兇虎入軍不被甲兵兇無所投其角虎無所措其爪兵無所容其刃夫何故以其無死地
出生入死者人之常也生之類十有三死之類十有三人之生動之死地十有三非言十中有三也言其數有十三也有者如十有四年十有一月之有也何謂十有三曰凡天下之至曠至

動死生地有十有三假就乾之坤論之乾象一
坤象一乾物六坤物六合為十有四此曰十有
三者有大至曠存焉凡人自欲為乾元者必無
首重瞳子是也坤元順承天而能成乾道者亦
無龍氏之子是也老子審此至曠故就十有四唯
其取十三也我聞諸先君子也若有知此至曠者
盍吾請服薪水業人之動之死地者以其生之之
厚也何謂生之之厚輕煖肥甘聲音好色是也
出及貪冒其厚也犯不義履非禮無所不至於是
予觀天道鬼神憚怒災害并臻是謂動之死也
所謂善攝生者反之受天道鬼神之保護無由
災害來同是謂無死地其動無死地不啻無所

措爪角有至至乳之其動立于無死地則不啻
無所容其又有至敵人來救吾况創業之真主
佐命之功臣天祿施及子孫者皆平生之動無
死地之故也臨陳貴戰死者明耻勸士之道然
矣未如七戰皆獲死於墮下之為榮也故有戰
而死者不以娶資之禮

第五十一章

道生之德畜之物形之勢成之是以萬物莫不尊
道而貴德道之尊德之貴夫莫之命常自然故道
生之德畜之長之育之亭之毒之養之覆之生而
不有為而不恃長而不宰是謂玄德
此章語天地造化自然也

五十二章

天下有始以為天下母既知其母復知其子既知其子復守其母沒其不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂習常

天下有始者言十有八變而卦成也天下母者言彖言也其子者言爻辭也假就坤卦論之則初不利動六二無不利六三待時發六四無咎無舉六五元吉上六數窮戰六爻之動各異義錯綜之以從命者難哉非天下之至精至神孰能與焉不如牝馬貞之易行而無悔故曰既知其母復知其子既知其子復守其母沒其不殆

也沒言身沒也塞其兌閉其門即是損卦象其大象曰山下有澤損君子以懲忿窒欲懲忿塞欲則無為知足故曰終身不勤也開其兌濟其事者友之災禍不測故曰終身不救也見小曰明守柔曰強此是李家之格物其光其明皆其見于見小之明也習常猶言不易也又曰孔門之善明者見遠也強者強此者也其物義大異故予曰自李家之格物也

五十三章

使我外然有知行於大道唯施是畏大道甚夷而民好徑朝甚除田甚蕪倉甚虛服文綵帶利劔厭飲食財貨有餘是謂盜夸非道也哉

如介如石之介也施者如葛之覃兮施于中
谷爭民施奪之施也畏施者恐上好下甚上為
動亦下為二之故也其故作自好徑一本夸作誇
是也

善建不拔善抱者不脫子孫以祭祀不輟脩之於
身其德乃真脩之於家其德乃餘脩之於鄉其德
乃長脩之於國其德乃豐脩之於天下其德乃普
故以身觀身以家觀家以鄉觀鄉以國觀國以天
下觀天下吾何以知天下然哉以此
善者加美以鹽梅和之名得鹽梅和則人甘
食之故孟子曰可欲之謂善然則得仁義之和

之

神人共欣羨之言行皆可謂善也夫聖人之作
為仁義也以為安定天下之民也假使有并舉
仁義竊大盜以仁義安定天下之民也民之在
彼與其在戎何異是殷湯周武之心也書曰谷
守爾典以承天休言諸侯各守爾祖考典承天
命之休命王于天下也殊非秦漢而求郡縣之陋
恐失以謀反為十惡之第一比也苟天下之民
安定也民之在彼與其在戎何異以此心建物
是謂善建以此心抱物是謂善抱此人也此德
也可參於天地何物狡兒得覬覦之哉是以殷
湯周武之廟其血食或六百或七百歲故曰善
建不拔善抱不脫子孫以祭祀不輟以此脩身

則其德乃真老莊之學真為大物故云爾以此
善脩家其德有餘餘云云豐云皆有餘之謂
也至天下曰普廣大也以身之以及如三以天下
讓以天下不儉其親之以也以身者猶言以身
故也下效之五卦與其卦外何異以此以卦
含德之厚比於赤子蜂蠆虺蛇不螫猛獸不據攫
鳥不搏骨弱筋柔而握固未知牝牡之合而全作
精之至也終日號而不嗻和之至也知和曰常知
常曰明益生曰祥心使氣曰強物壯則老謂之不
道不道早已以爲安其夫不修其心則存其
坤元豕有之曰含弘光大品物咸亨牝馬地類

行地无疆夫牝馬之性未嘗有介倪闔扼驚曼
詭銜竊轡之知圉命惟聽是以無受鞭策之罰
赤子之為德未嘗有自己之識見進退動作壹
是皆聽慈母命猶牝馬之於圉者蜂蠆慈母拂
之虺蛇嚴君驅之未使嘗立於猛獸攫鳥之地
是以無逢毒螫據搏之患苦也令人而能執坤
元牝馬之德順承天以進退何物災肯能臻故
曰含德之厚比於赤子蜂蠆虺蛇不螫猛獸不
據攫鳥不搏也骨弱筋柔而握固未知牝牡之
合而峻作精之至也終日號而不嗻和之至也
者語精和之可貴也益生曰祥者言祥可以益
生也祥者祥之入神也心使氣曰強是為凶物

故曰物壯則老謂之不道也全一作峻今從是
知者不言言者不知塞其兌閉其門挫其銳解其
紛和其光同其塵是謂玄同故不可得而親不可
得而疎不可得而利不可得而害不可得而貴不
可得而賤故為天下貴
知者之不言者知道之不易言也言者之不知
者不知道之不易言也趙括之言兵事天下莫
能當其父猶不能難然不謂善括母問其故奢
曰兵死地也而括易言之破趙軍者必括也果
如其言矣塞其兌閉其門解詳于前挫其銳自
挫吾銳也解其紛自解吾紛也和其光不欲赫

之明也同其塵與民同憂與世推移也玄同
猶言妙同也不可親不可疎不可利不可害不
其可貴不可賤者如世祖之於巖子陵是也

五十七章

以正治國以奇用兵以無事取天下吾何以知其
然哉以此天下多忌諱而彌貪民多利器國家滋
昏人多伎巧奇物滋起法令滋彰盜賊多有故聖
人云我無為而民自化我好靜而民自正我無事
而民自富我無欲而民自樸
政者正也率以正誰敢不正故曰以正治國兵
者詭道也故曰以奇用兵欲取天下者失之故
曰以無事取天下益德之裕也長裕而不設以

興利故曰天下多忌諱而民彌貪乘馬鹽鐵貢
助常平之論是忌諱之政也刑政名物者國之
利器也已下在民間是以國家滋昏此與國之
利器不可以示人句相發伎巧本可以利民而
奇物起不止則却害民故曰人多伎巧奇物滋
者起以三章為不足而鼎刑至三千而盜賊多有
者為上者不能治國之故也厥正惟何自正也
厥自正惟何曰無為好靜無事無欲是也

五十八章

其政悶其民淳其政察其民缺禍兮福
之所倚福兮禍之所伏孰知其極其無正復為
奇善復為妖人之迷其日固久是以聖人方而不

割廉而不劓直而不肆光而不耀
悶不分明貌淳敦朴貌探湯鐵火者浮圖
氏之刑也以董直不直而民懼伏罪可謂其政
治悶其民淳也鼎刑之密也民滋爭錐頭未
可謂其政察其民缺闕空隙相爭也猶闕
釁之謂釁伐間之謂間也禍福互相為倚伏猶
塞翁馬故曰禍兮福之所倚福兮禍之所伏孰
知其極其無正耶也正復為奇善復為妖猶唯
其阿善惡相變不可為典要也是以聖人方而不
割至割廉而不至劓直而不至肆光而不至耀割
小截也廉隅也劓傷也肆如肆師之肆就列
中直取一之意也耀宣光也

五十九章

治人事天莫若嗇夫唯嗇是謂早復早復謂之重積德重積德則無不克無不克則莫知其極莫知其極可以有國有國之母可以長久是謂深根固抵長生久視之道

於文來向為嗇高者稟也稟者畜積物之屋也故訓積訓慳訓貪訓愛田夫是謂嗇夫亦取義於此傳曰坤為各嗇婦女之性情好納不欲出故於坤云爾因此考之吾才德未崇大而矜伐其本德不可謂嗇也所謂嗇者愛積吾才德敢不丕顯也况出之于故曰夫唯嗇是謂早復早復即是不遠復之謂也傳曰復德之本也又曰

復則不忘矣故曰早復謂之重積德也彖曰利有攸往剛長也故曰重積德則無不克云

治大國若烹小鮮以道蒞天下其鬼不神非其鬼不神其神不傷人非其神不傷人聖人亦不傷人夫兩不相傷故德交歸焉

烹小鮮之道在審鹽梅水火之和謹不撓亂撓亂之則餒敗治國審祖考之典謹不亂舊章則於治國何難之有故曰治大國若烹小鮮也以大道蒞則天下敦化而夫人得其所安焉鬼其何須顯神哉民不犯不祥其神何為傷人已不犯不祥况犯法法乎已不犯法何為用刑罰故曰

非其神傷人聖人亦不傷人於是子德交歸焉
六十一章

大國者下流天下之交天下之牝牝常以靜勝牡
以靜為下故大國以下小國則取小國小國以下
大國則取大國故或下以取或下而取大國不過
欲兼畜人小國不過欲入事人夫兩者各得其所欲
欲大者宜為下
下流者自處於卑下也以貴下賤天下之所欲
交也以貴下賤者牝之道也故曰天下之牝今
之人知日之貴於月而不知女之貴於男人之
迷其日固久矣夫男為貴女為賤夫唱婦順者
聖人為天地自然之理不足以治天下代天財

成天地之道輔相天地之宜以左右民也其實
牝貴牡賤智者觀在易離為日為中女坎為月
為中男將知吾說不誣也此章舉天地之理以
譬喻謙下之道有益也牝常以靜勝牡以靜為下
者觀狗之交態可知也取者引彼附我也

道者萬物之奧善人之寶不善人之所保美言可
以市尊行可以加人；之不善何棄之有故立天
子置三公雖有拱璧以先駟馬不如坐進此道古
之所以貴此道者何不曰以求得有罪以免耶故
為天下貴

奧者室也藏也深也無論道之為善人之寶也

上人行道則善者吾善之不善者吾亦善之是以不善之人得免于罪故曰不善人之所保又曰有罪以免耶也不善人者善人之資故曰人之不善何棄之有

六十三章

為無為事無事味無味大小多少報怨以德圖難於其易為大於其細天下難事必作於易天下大事必作於細是以聖人終不為大故能成其大夫輕諾必寡信多易必多難是以聖人猶難之故終無難矣

聖人豈不仕乎必有為曰何為曰無為何事曰無事何味曰無味是聖人之務也報怨以德

猶恩也

六十四章

其安易持其未兆易謀其脆易泮其微易散為之於未有治之於未亂合抱之木生於毫末九層之臺起於累土千里之行始於足下為者敗之執者失之是以聖人無為故無敗無執故無失民之從事常於幾成而敗之慎終如始則無敗事是以聖人欲不欲不貴難得之貨學不學復眾人之所過以輔萬物之自然而不敢為夫學不學復眾人之所過其學不學句映菽四十八章為學日益為道日損古句義自通矣復眾人之所過者言使眾人不遠復也

六十五章

古之善為道者非以明民將以愚之民之難治以其智多故以智治國國之賊也不以智治國國之福知此兩者亦稽式常知稽式是謂玄德玄德深矣遠矣與物反矣然後乃至大順
禮不下庶人民可使由之不可使知之即是非以明民將以愚之也所謂使由之言使由先王之度也後世郡縣之人主暨宰相背棄先王之典度不率由而以吾智作律令與民共之欲使民知而避罪也於是子姦吏弄文以招賄賂猾民窺錐刀未犯爾長上又有一箇闇主痴相自不量殷作學校驅不可使知之民學堯舜文武

之道民仰望堯舜文武之仁政而闇主痴相固以不能誦堯舜文武之言行堯舜文武之行是以政令一出則非議怨讟如決江河誰能禦之是為皆以智治國之蔽也聖人愚民之治自以智治與國者觀之如與物反殊不知如與物反即是所以大順也大順非他坤元順承天之謂也稽者天如古稽帝堯之稽也式者法也

六十六章

江海所以能為百谷王者以其善下之故能為百谷王是以欲上民必以言下之欲先民必以身後之是以聖人處上而民不重處前而民不害是以天下樂推而不厭以其不爭故天下莫能與之爭

夫取譬江海以喻道莫如謙下也上民者其位高
不得如江海之居卑下故以言下之孤寡不穀
谷之類是也先民後己是謂以身後之所謂進道
如退是也

六十七章

天下皆謂我道大似不肖夫唯大故似不肖若肖
久矣其細也夫我有三寶持而保之一曰慈二曰
儉三曰不敢為天下先慈故能勇儉故能廣不敢
為天下先故能成器長今舍慈且勇舍儉且廣舍
後且先死矣夫慈以戰則勝以守則固天將救之
以慈衛之

三寶高矣大矣貴矣不可復加也今乳虎生狗

吳母之勇無敵者慈其子之故也先聖王之於民
用猶乳虎生狗之慈其子是以天下無敵也後世
割據僭號之主無慈其民而欲戰勝王天下不
亦左乎不得其死然固其所也故曰慈故能勇
慈以戰則勝以守則固天將救之以慈衛之又
曰今舍慈且勇死矣儉其身則其德廣楚莊王
謂文公重耳曰晉公子廣而儉可徵矣釋尊捨
身之業者儉而廣之至者也坤彖曰先迷失道
後順得常傳曰乾知大始坤作成物即是不敢
為天下先故能成器長之謂也

六十八章

善為士者不武善戰者不怒善勝敵者不與善用

人者為之下是謂不爭之德是謂用人之力是謂配天古之極

聖人脩文德遠人服仁者無敵故曰善為士者不武也在師彖曰師衆也貞正也能以衆正可以王矣剛中而應行儉而順以此毒天下師之為道也毒人不為人所毒而況以怒戰乎是司馬仲達之所以不怒中咽也故曰善戰者不怒也范蠡曰彼來從我固勿與即是善勝敵者不與之謂也善用人者為之下言卑禮下士也

六十九章

用兵有言吾不敢為主而為客不敢進寸而退尺是謂行無行攘無臂扔無敵執無兵禍莫大於輕

敵輕敵幾喪吾寶故抗兵相加哀者勝矣

自古受命之兵者不得止而右起故曰不敢為主而為客不敢進寸而退尺也行無行攘無臂扔無敵執無兵言行無行之行攘無臂之臂扔無敵之敵執無兵之兵也此奇其久而已大意則在天斃彼而右吾動也吾寶即三寶也自古執父母仇之兒女未嘗不克者哀也哀者天之所祐也故曰抗兵相加哀者勝矣

七十章

吾言甚易知甚易行天下莫能知莫能行言有宗事有君夫唯無知是以不我知我者希則我者貴是以聖人被葛懷玉

老子之文雖奇然非隨意曼衍也必取諸易故
事曰言有宗動必順天故曰事有君也聖人被葛
言懷王者老子自道也

七十一章

知不知上不知知病矣唯病病是以不病聖人不
病以其病病是以不病
釋曰知道而如不知者上也不知道而自為知
者必病夫唯病不知道而自為知是以無不知
知之病也聖人之不病者以其病以不知自為
知之故是以不有病也
民不畏威則大威至無狎其所居無厭其所生夫

唯不厭是以不厭是以聖人自知不自見自愛不
自貴故去彼取此
威天威也書曰弗畏入畏即大威至之謂也其
所居與其所生者吾之天命也而狎厭之則方
命方命不畏威也不畏威則大威至故曰無狎
其所居無厭其所生傳曰安土敦乎仁是之謂
也
自不厭是以不為天所厭故曰夫唯不厭是
以不厭也知不自見滋衆用晦之謂也自愛不
自貴言不狎厭其居住以此不矜貴常以貴下
賤也
勇於敢則殺勇於不敢則活此兩者或利或害天

之所惡孰知其故是以聖人猶難之天之道不爭而善勝不言而善應不召而自來緝然而善謀天網恢恢疎而不失

衛君者孔子之所不為也然子路事孔懼禦大子蒯聵終至結纓而死焉其跡雖美也昭諸不得其死然之前言則不可謂義也所謂勇於敢則殺豈謂子路之輩乎子羔曰弗及不踐其難去矣勇於不敢則活子羔有焉攻難天之所惡也是以聖人難之况於凡庸人乎天定而勝人故曰天之道不爭而善勝也迪吉逆凶惟影響自故曰不言而善應復彖曰反復其道七日來復卦天行也故曰不召而自來天之福善禍淫自人

者

觀之則緩至其結局始喝味其妙故曰緝然而善謀也天網似疎而密小大不得漏故曰天網恢恢疎而不失恢恢疎貌

七十四章

民不畏死奈何以死懼之若使民常畏死而為竒吾得執而殺之孰敢常有司殺者殺夫司殺者是大匠斲夫伐大匠斲者希有不傷其手矣

七十五章

民之饑以其上食稅之多是以饑民之難治以其上之有為是以難治民之輕死以其求生之厚是以輕死夫唯無以生為者是賢於貴生

生之厚以身發財故曰以其求生之厚是以
輕死也唯無以生為者言不窮極輕暖肥甘聲
音好色之欲也

七十六章

人之生也柔弱其死也堅強萬物草木之生也柔
脆其死也枯槁故堅強者死之徒也柔弱者生之
徒是以兵強則不勝木強則共強大處下柔弱處

此章取譬於物以喻柔可貴也共一本作折是
也

七十七章

天之道其猶張弓與高者抑之下者舉之有餘者

損之不足者補之天之道損有餘而補不足人之
道則不然損不足以奉有餘孰能有餘以奉天下
唯有道者是以聖人為而不恃功成而不處其不
欲見賢

自天之道至補不足語天道虧盈而益謙也猶
張弓者言強弓也人之道則不然損不足以奉
有餘者如農民之貢君上子錢家之收息是也
孰能有餘以奉天下言孰能以吾有餘以奉天
下不足之鮮民者雖欲奉之勢不能也故聖人
為而不恃功成而不處其不欲見賢以避天道
虧盈之忌也奉者奉養也

七十八章

天下莫柔弱於水而攻堅強者莫之能勝以其無
以易之弱之勝強柔之勝剛天下莫不知莫能行
是以聖人云受國之垢是謂社稷主受國不祥是
謂天下正言若友受國之垢是謂社稷主受國不祥是謂天下正言若友
受國之垢伯宗所謂國君含垢之謂也國不祥
者左氏傳所謂國惡是也受國之垢是謂社稷主受國不祥是謂天下正言若友
和太怨必有餘怨安可以為善是以聖人執左契
而不責於人有德司契無德司徹天道無親常與
善人和太怨必有餘怨安可以為善是以聖人執左契而不責於人有德司契無德司徹天道無親常與善人
昔者我神祖之受命也關原之戰會朝清明
既而與豐秀賴和協從罔治可謂和太怨無餘

怨也若執左契而責人則鳴津上秋二侯恐無
所逃罪也而不責之是謂善善故天道與之致
是泰平也有德司契者有德人唯執左證耳不
以之責人責則事敗失契之用故不責是謂
入司契徹宜作輒輒者指叛怨之輒跡司叛怨之
跡者即是執左契而責人之謂也故曰無德司
輒不美美言不計善言不辨辨言不善味善不

八十章章

小國寡民使有什伯之器而不用使民重死而不
遠徙雖有舟輿無所乘雖有甲兵無所陳之使人
復結繩而用之甘其食美其服安其居樂其俗鄰
國相望鷄犬之聲相聞民至老死不相往來

什伯之器言軍被戈矛炊爨之類也傳曰上古
結繩而治後世聖人易之以書契百官以治萬
民以察蓋取諸夬結繩蠻國文字形如結繩故
云爾

八十一章

信言不美美言不信善者不辨辨者不善知者不
博博者不知聖人不積既以為人已愈有既以與
人已愈多天之道利而不害聖人之道為而不爭
信言不美美言不信主古語言之也善者不辨
辨者不善主今人之語言之也知者不博博者
不知主術學言之也聖人不積既以為人已愈
有既以與人已愈多聖人封建之政其大者也

後世郡縣之制咸反之是以亂尋起矣天之道
利而不害者好生之至也聖人則之故為而不
爭

結繩而後世聖人易之以書契... 民以察蓋取諸夬結繩國文字形如結繩... 云爾

八十一章

信言不美美言不信善者不辯辯者不善知者不博博者不知聖人不積既以為人已愈有既以與人己愈多天之道利而不害聖人之道為而不爭信言不美美言不信古語言之也善者不辯辯者不善今人之語言之也知者不博博者不博亦博者生也聖人之道為而不爭博者不博亦博者生也聖人之道為而不爭

